



Broj: JN-1-01-16-4-28-17/18

Datum: 30. 11. 2018.

Ministrica za ljudska prava i izbjeglice BiH, na osnovu člana 55. Zakona o upravi („Službeni glasnik BiH“, broj 32/02 i 102/09), člana 69. stav (2) tačka d) i člana 70. stav (4) i (6) Zakona o javnim nabavkama („Službeni glasnik BiH“, broj 39/14), na Preporuku Komisije za nabavke, broj: JN-1-01-16-4-28-16/18 od 19.11.2018. godine, u postupku nabavke informaciono-tehničke opreme, donosi sljedeću:

ODLUKU
o poništenju postupka nabavke informaciono-tehničke opreme

Član 1.

Poništava se Odluka o izboru drugoraniranog najpovoljnijeg ponuđača za nabavku informaciono-tehničke opreme, broj: JN-1-01-16-4-28-13/18 od 6.11.2018. godine kojom je Ugovor o kupoprodaji informaciono-tehničke opreme dodijeljen ponuđaču ITD d.o.o. Sarajevo, sa adresom: ul. Briješće polje 15, Sarajevo, ponuda broj: 1009-A/2018 od 10.09.2018. godine, za ponudenu cijenu nakon e-aukcije 46.530,00 KM bez PDV-a, odnosno 54.440,10 KM sa uključenim PDV-om.

Član 2.

Poništava se postupak javne nabavke informaciono-tehničke opreme iz razloga nema više prihvatljivih ponuda.

Član 3.

Ova Odluka objavit će se na web stranici Ministarstva www.mhrr.gov.ba u skladu sa članom 70. stav (6) Zakona o javnim nabavkama.

Član 4.

Za izvršenje ove odluke se ovlašćuje i zadužuje Sektor za opće, pravne i finansijsko-materijalne poslove Ministarstva za ljudska prava i izbjeglice BiH

Član 5.

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke informaciono-tehničke opreme, broj: JN-1-01-16-4-28-1/18 od 10.08.2018. godine. Javna nabavka je provedena putem otvorenog postupka za dostavu ponuda za nabavku informaciono-tehničke opreme.

Procijenjena vrijedost javne nabavke bez PDV-a: 46.888,90 KM.

Obavještenje o nabavci, broj: 679-1-1-23-3-22/18 od 13.08.2018. godine na Portalu javnih nabavki. Tenderska dokumentacija, broj: JN-1-01-16-4-28-2/18 od 13.08.2018. godine. Komisija za nabavku imenovana je Odlukom, broj: 01-02-2-116-1/18, od 15.01.2018. godine.

Odlukom o izboru drugorangiranog ponuđača, broj: JN-1-01-16-4-28-13/18 od 6.11.2018. godine, kao najpovoljniji drugorangirani ponuđač u postupku javne nabavke informaciono-

tehničke opreme dodjeljen je ugovor dobavljaču ITD d.o.o. Sarajevo, sa adresom: ul. Briješće polje 15, Sarajevo, za ponuđenu cijenu nakon e-aukcije 46.530,00 KM bez PDV-a, odnosno 54.440,10 KM sa uključenim PDV-om.

Dana 06.11.2018. godine svim učesnicima u postupku predmetne javne nabavke je dostavljeno Obavještenje o rezultatu postupka javne nabavke i Odluka o izboru drugorangiranog ponuđača.

Izabrani ponuđač ITD d.o.o. Sarajevo je bio dužan da u roku od 5 (pet) dana, računajući od dana prijema Odluke o izboru drugorangiranog ponuđača dostavi orginale ili ovjerene kopije dokaza iz člana 45. stav (1) tačke a) do d) i iz člana 47. stav (1) tačke c) Zakona o javnim nabavkama.

Razmatrane i utvrđene su sljedeće činjenice:

- Uvidom u ponudu odabranog ponuđača ITD d.o.o. Sarajevo i Aneks 4 Izjava o ispunjenosti uslova iz člana 45. stav (1) tačka a) do d) Zakona o javnim nabavkama BiH, konstatovano je da je ista potpisana od ovlaštenog predstavnika ponuđača i ovjerana u organu prave 07.09.2018. godine.
- Dana 09.11.2018. godine zaprimljeni su dokazi kvalifikovanosti iz člana 45. stav (1) tačke: od a) do d) i iz člana 47. stav (1) tačke c) Zakona o javnim nabavkama, izabranog ponuđača ITD d.o.o. Sarajevo. Za dostavljene dokaze je konstatovano sljedeće:
 1. Uvjerenje Općinskog suda u Sarajevu, broj: 65 0 Kr 016717 18 od 9.11.2018. godine (ovjerena kopija), kojom se potvrđuje da ITD d.o.o. Sarajevo nije izrečena pravosnažna presuda kojom je osuđeno za krivično djelo učešća u kriminalnoj organizaciji za korupciju, prevaru ili pranje novca, a sve u smislu člana 45. stav (2) tačka a) Zakona o javnim nabavkama;
 2. Uvjerenje Općinskog suda u Sarajevu, broj: 065- 0-R-18-002384 od 09.11.2018. godine (ovjerena kopija), kojom se potvrđuje da ITD d.o.o. Sarajevo nije pod stečajem niti je predmet stečajnog postupka, nije predmet postupka likvidacije, odnosno nije u postupku obustavljanja poslovne djelatnosti, u smislu člana 45. stava (2) tačka b) Zakona o javnim nabavkama.

Po pitanju dostavljanja dokaza iz člana 45. Zakona o javnim nabavkama u Tenderskoj dokumentaciji je navedeno sljedeće: *Dokazi, koje je dužan dostaviti izabrani ponuđač, moraju sadržavati potvrdu da je u momentu predaje ponude ispunjavao uslove koji se traže ovom TD. U protivnom će se smatrati da je dao lažnu izjavu. Dokaze o ispunjavanju uslova je dužan dostaviti u roku od 5 (pet) dana od dana zaprimanja obavještenja o rezultatima ovog postupka javne nabavke. Dokazi koje dostavlja izabrani ponuđač ne mogu biti stariji od 3 (tri) mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona.*”;

S tim u vezi, izabrani ponuđač ITD d.o.o. Sarajevo nije dostavio dokaze da u momentu predaje ponude, odnosno dana 07.09.2018. godine (kada je Izjava o ispunjenosti uslova iz člana 45. Zakona o javnim nabavkama ovjerena od strane nadležnog organa), ispunjava činjenice iz člana 45. stav (1) tačka a) i b) Zakona o javnim nabavkama.

Shodno tome, Komisija za nabavke je uputila ministrici za ljudska prava i izbjeglice BiH Preporuku za poništenje predmetnog postupka.

U postupku donošenja ove odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača i pregled i ocjenu ponude, u skladu sa kriterijima iz Tenderske dokumentacije.

U postupku ocjene provedenog postupka ministrica za ljudska prava i izbjeglice BiH nije našla razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javnu nabavku.

Iz navedenih razloga, primjenom člana člana 69. stav (2) tačka d) i člana 70. stav (4) i (6) Zakona o javnim nabavkama, odlučeno je kao u članu 1. i 2. ove odluke.

POUKA O PRAVNOM LIJEKU:

Protiv ove Odluke može se izjaviti žalba Ugovornom organu, najkasnije u roku od deset (10) dana od dana prijema ove Odluke.



Dostaviti:

- Ponuđačima,
- Sektor za opće, pravne i finansijsko-materijalne poslove,
- a/a.